

Distinu

Ancora mi ricordu ca dicevi
ca ppi nuàtri dui, la nostra vita,
un gnornu avissi statu rosi e ciuri.
Libiri di travagghi e di pinseri,
maritati li figghi e a li sol casi,
n'avissimu gudutu la vicchiana
comu du' eterni ziti ca si cìvunu.
Ma lu stortu distinu, ca cumanna
li cosi di lu munnu e non si cura
di tuttu chiddu ca la genti voli,
isò la manu e ci tagghiò li peri.
Tu muristi picciotta -ancora niuri
tutti li to' capiddi - e mi lassasti
a strascinari sulu la carretta
e senza cchiú ddu filu di spiranza
ca m'illudeva e mi incheva l'anima.